

HOËRSKOOL



VREDENDAL

Posbus 185
VREDENDAL
8160
Tel: 027 213 1050
Faks: 027 213 1050

GESTIG 1938

Grensstraat 8
VREDENDAL
8160
admin@hsvdal.co.za
skoolhoof@hsvdal.co.za

2 Februarie 2023

Kwytskelding

Aansoek vir afslag of kwytskelding van skoolgeld. Vorms is beskikbaar by die Adminkantoor. Sluitingsdatum vir aansoeke is 21 Februarie 2023.

Toppresteerders 2022

Baie geluk aan ons matriekklas van 2022. Ons is baie trots op julle! Hier is ons toppresteerders van 2022.

Hoërskool VREDENDAL
MATRIEKUITSLAE 2022

*Baie geluk aan ons matriekklas van 2022.
Ons is baie trots op julle!
- Owers, personeel & Beheerliggaam*

TOPPRESTEERDERS 2022

Rang	Naam	%	Onderskeidings
1	Anke Coetzee	91.3%	7 onderskeidings
2	Sebastian Strauss	90.7%	7 onderskeidings
3	Anchen Fouche	90.3%	7 onderskeidings
4	Marli de Beer	89.4%	7 onderskeidings
5	Nicole Africa	89.3%	7 onderskeidings
6	Megan Louw	87.1%	7 onderskeidings
7	Jana Vollgraaff	86.1%	7 onderskeidings
8	Pierre du Toit	85%	6 onderskeidings
9	Cise-Leigh Januarie	82.1%	5 onderskeidings
10	Jemealiane Stout	82.1%	4 onderskeidings
11	Pereno Stewe	82%	5 onderskeidings
12	Dewaldt Nagel	81.6%	5 onderskeidings
13	Alicia Louw	81.3%	4 onderskeidings
14	Jacqueline Else	81.1%	5 onderskeidings
15	Sharné Bornman	80.7%	3 onderskeidings



Hoërskool Vredendal

OPEDAG 2023

Kom en raak deel van DIE DALLER-familie!!

Donderdag, 16 Februarie 2023 om 09:00

Enige navrae: admin@hsvdal.co.za of 027 213 1050



Generasie-balkie

‘n Pragtige nuwe tradisie is vanjaar by ons skool begin. Tydens die graad agts se verwelkoming op Vrydag, 27 Januarie , is 22 generasie-balkies aan die graad agts wat reeds van ‘n tweede of derde (of langer) geslag aan die Hoërskool Vredendal is, oorhandig. Al vereiste is dat ten minste een van die kind se ouers ook in matriek aan die skool verbonde moes wees. Hierdie balkies sal deur die loop van die jaar ook aan leerders van ander grade oorhandig word. Vir die Greeff-familie was dit ‘n besonderse oomblik aangesien twee graad agts , Sebastian Nel en Lourens Stephan, reeds die vierde geslag Greeffs is wat ons skool hulle akademiese tuiste maak. Alles het natuurlik by oupagrootjie, Servaas Greeff ,begin wat in 1949 by ons in matriek was. Ook is Lizé Laubscher reeds die vierde geslag van die Teubes-familie. Haar oumagrootjie was Hannah Niehaus wat in 1951 in matriek was. Aangesien dit wel moontlik is dat die skool nie alle inligting oor veral ‘n vierdegeslag kind het nie, doen ons ‘n beroep op ouers om ons te kontak met inligting.

TENNIS

Op Maandag, 30 Januarie speel ons teen Hoërskool Lutzville ons eerste liga-wedstryd van die jaar. Die tennisspelers het in getalle en met baie gees opgedaan.

Ons eerstespan seuns wen oortuigend met 6 wedstryde teenoor 0. Eerstespan dogters wen 5 wedstryde teenoor 1.

By die tweede spanne was daar baie kompetisie vir die dogters en hul wen naelskraap met 29 potte teenoor 25. Die seuns wen met meer gemak 5 wedstryde teenoor 1.

Ons derde spanne het met min ervaring en sommige se eerste wedstryde hul goed van hul taak gekwyt. Die meisies verloor ongelukkig 4 wedstryde teenoor 2, die seuns wen met 5 wedstryde teenoor 1.

Wel gedaan, Dallers.



Op 31 Januarie het ons eerste tennisspan teen Dirkie Uys kragte gemeet. Dit was n warm dag en ons leerders het teen baie goeie tennisspelers meegeding. Dit was n goeie leerskool en ervaring vir hulle. Die meisies en seuns verloor hul enkels 3 wedstryde teenoor 1.

By dubbels speel die meisies 1-1 gelykop en seuns verloor ongelukkig 0-2. Hulle het ook gemengde dubbels gespeel en verloor daar 1-3.



Tennis versus Augsburg

Ses van ons seuns en vyf van ons dogters het op Dinsdag, 7 Februarie, teen Augsburg gaan speel. Beide seuns en dogters het min weerstand ondervind en wen hulle gemaklik al hulle wedstryde, die seuns 9-0 en die dogters 7-0.

Volgende week speel die derdespan weg teen Lutzville.

Ongelukkig is die beplande toer na Upington vir die eerste spanne gekanselleer weens ontrekkings van die spelers.

Krieket

Die 1ste krieketspan speel weg te Hoërskool Augsburg op 31 Januarie.

Augsburg kolf eerste en teken 72 almal uit aan.

Ons kolf daarna en wen met 8 paaltjies.

Bouler van die wedstryd is Khyle Machelm wat 3 paaltjies neem en kolwer van die wedstryd is Derrick van der Westhuizen wat 42 lopies aanteken.

Wel gedaan, manne.



Internasionale Hardopleesdag

Twee van ons matrieks het Woensdag, 1 Februarie, ter viering van Internasionale Hardopleesdag die geleentheid gekry om tienuur en elfuur se nuus by Radio Namakwaland te lees. Die skool bedank graag die radiostasie vir die inisiatief asook die twee matrieks, Lea Kearney en Zanalee Jaars wat die senuwees in toom moes hou.



Kleure-atletiek 2023

Op 3 Februarie het ons jaarlikse kleure-atletiekbyeenkoms plaasgevind. Die dag is gekenmerk deur goeie spangees en deelname. Na 'n dag vol opwinding is die uitslae as volg?

Die wenspanbeker het behoort aan Groen en die geesbeker aan Geel.

Die volgende atlete het rekords gebreek:

Dogters o/17:

Anli Engelbrecht Spiesgooi 49,34m

 Gewigstoot 13,00m

Anja Coetzee Hamergooi 48,02m

Seuns o/17:

Oloff le Roux Diskus 43,22m

Jandré Esterhuyse Hamergooi 54,15m

Ons topatlete vir die dag:

Junior Victrix - Minke Cronje

Junior Victor - WJ Weideman

Senior Victrix - Anja Coetzee

Senior Victor - Dayle Rademeyer

Baie dankie vir elke Daller wat die dag moontlik gemaak het, asook elke ouer en beampte. Sonder julle sou hierdie dag nie moontlik wees nie.

Sterkte aan ons atlete wat môre aan die Noordwes-Boland Atletiekbyeenkoms deelneem.



*Van links na regs: Minke Cronje (Junior Victrix); WJ Weideman (Junior Victor); Anja Coetzee (Senior Victrix)
Dayle Rademeyer (Senior Victor)*



Groenspan met Wenbeker



Geelspan met Geesbeker

Slip & slide

Na afloop van die atletiek het die atlete lekker afgekoel met waatlemoen en slip & slide.

Baie dankie aan almal wat waatlemoene geborg het asook Ben Nel vir die seile waarop die leerders gegly het.



VRL-Kamp 2023

Ons VRL-Kamp het van 3 tot 5 Februarie te Boegoeburg plaasgevind. Dit het vir elke VRL-lid die geleentheid gegee om vriendskappe te ontwikkel en hulle spanbouvaardighede te toets. Dit was 'n onvergetelike naweek!

Dankie vir elkeen wat die kamp moontlik gemaak het.



Care 17

'n Muntlegging is op 9 Februarie gehou. Die eerste fondsinsameling vir Care 17, ons eie liefdadigheidsorganisasie. Baie dankie vir almal se ondersteuning. 'n Raps meer as R900 is ingesamel.



Hoëskool Vredendal die tuiste van Trots Dallers.